

嵩明縣志

孫樂題答

卷二六 人物

卷二七 人物

卷二八 人物

卷二九 詩文徵

卷三〇 詩文徵

卷三一 詩文徵

嵩明縣志卷之二十六

人物六

卓行傳

明

王惟善

王惟善州南四板橋人景泰辛未科進士任行人天順八年奉命聘江西處士吳興弼十年送與弼還江西明史載其事以科甲開嵩明之始後宦

籍江南今祖塋在中和里

楊鈞

楊鈞字子重少孤刻志文學嘉靖己酉經魁上疏請築州城官永安州知州清廉自持卒於官囊無餘積永人立祠祀之

李東暉

李東暉字明寰矣鐸村人崇禎時任山東濟南府武定州同知居官考績為清廉第一丁父艱歸閉門自守恥事干謁州務有不便者詳為條請又

置海田一區於學宮年八十卒明州守紐國蕃嘗贈以詩謂公節重澹臺品方叔度

云

楊泰宇

楊泰宇月豐里何佑村人秉性義直於萬歷年間與省城民言姓者貿易大理適言違疾篤言子維崇以不率於父久斥在外言以資八百金遺宇託其移柩歸省餘者昇宇不及其子宇以資殯殮走書省城遍覓其子維崇將原金如數與之維崇感泣捐半謝宇宇堅卻不受鄉黨稱之後子繼和以明經任四川江油縣令正直不欺有父風其後昌盛歷久不衰移居楊林

清

邱儲秀

邱儲秀字濬祥本州增生幼孤嗜學敦倫尙義順治十六年流賊亂滇儲秀憫士女流離聞經略洪承疇闢滇道經楊林率眾哭訴洪惻然因嚴飭士子子女得甦歲饑蓄甚露尸滿道出米倩人掩瘞人咸義之以子貴誥贈詔武將

軍

李九標

李九標字光增州北門人監生少嗜學循禮義年十八原配晁氏病故誓不再娶子代自處娛志詩書爲弟婚娶所有產業悉付之弟弟亦盡禮事

之庭李黨間多隱德清標如一

張天全

張天全庠生乾龍時人性仁慈鄉里推爲長者見漁獵必力勸改業諄諄不倦老而彌篤將終呼子孫親爲盥洗整冠束帶扶拜天祖懽然而逝

劉天瑞

劉天瑞乾隆戊子科舉人品端學粹爲諸生時有違客與天瑞密契以金寄之人無知者後竟病歿陰訪其子與原數令扶柩歸鄉里欽其德越十

八年其子紹甲肇甲同鄉榜

劉紹甲

剪紹甲天瑞子居家孝友父疾刲股父歿廬墓以乾隆丙子科舉人大挑發直隸以知縣用親老告歸時滇中監法大壞紹甲議上巡撫初彭齡切中時弊彭齡遽之既終養同原省署龍門知縣呼爲福星逋賦不待追呼悉輸納時有一無賴子董四好撈蒲爲鄉曲病紹甲召責董四飭改業仍不悛紹甲曰爾所爲如是必遭橫禍未幾爲人毆折骨幾死昇至署大呼曰小人負公公愛我我不復賭矣迨去任民送至數里有一人爲紹甲脫鞵俯伏流泣不能起卽董四也後補易州同州復攝煉水以旱禱雨立至感寒疾卒於官

李澤深

李澤深興隆村人文生廣東梧州縣知縣高魁父正直剛方樂行善事嘗築石圍積水里許村人利之

李曉

李曉楊林人道光丁酉拔貢詩文見賞於學使李鐵梅先生端方正直癸丑回亂謠言四起衆驚疑力持正論士民依之

查杓

查杓楊林人咸豐辛亥副榜正以持己長於詩文獎勵後進林邑諸生半出其門年未四十而卒士論惜之

李增華

李增華字天礪中和里人清道光丙辰歲貢性耿介平生事業以教育爲多曾受州刺史咸春二公之知遇聘長嵩陽書院當時知名之士半出其

門晚年家居熱心公益組織公牒廉隅自持積數年之經營將四大庵先年被和尙典出之田二百餘工全數贖回現四大庵學款充足辦理日有起色增華之力也至今鄉人思之愈加敬慕云採訪

陳其恆

陳其恆應字久乙亥恩科武孝廉副務熙堂仲兄賦性公直事繼母盡子道撫導諸弟皆成立任地方團務數十年人不敢干以私與熙堂倡修屢

豐堤熙堂在官公獨摒攬成而復傾卒竟厥切皆公力也是時公家昆季三人皆孝

廉一兄一弟貢明經子侄輩食餼在庠者十餘人簪纓滿堂鄉里榮之

採訪

陳其疇

陳其疇號敘九歲貢生楊林人性縝密伉直能以正義至理折服人侃侃而談雖極頑悍者得其一言無不立化公之長兄其玉武孝廉仲兄憲早

擅文名著作頗富惜兵燹後文稿散佚不存

採訪

李迎祥

李迎祥楊林官渡人齒德俱尊鄉人尊稱之爲慶翁杜亂時楊玉科攻克大理上下關趙州蒙化廳等城迎祥在事出力岑襄勤公請獎以六品頂

戴儘先拔補把總公幼讀詩書壯習弓馬事親以孝衛國以忠寬衣褐服不喜殊味

其後告老家居躬親田園村中公益靡不維新劣紳土豪無不畏懼有經慶翁勸導

而不傲者輒以杖擊之於是村中無與訟避情之民有入孝出弟之風卒年六十二

採訪

張斌

張斌字在德邑庠生楊林人性直質無矯飾周急濟貧毫無吝色每遇方便事竭力行之受者不知也公性喜培植花卉園花甚多而以木芍藥爲

林邑冠庚戌年春花盛開適值公壽八旬里人爲公祝壽慶花具觴稱祝賦詩唱和

頗極一時之盛

採訪

葉俊

葉俊下馬坊解元葉有聲父也初下馬坊無築堰地俊從砂石坡私鑿一過水硿以引水長約數十丈有此硿光緒二十五年葉發科始倡築一堰塘於來水處名曰迴龍塘以蓄水灌田自有此塘而下馬坊之田乃得先時栽種常歌有年利濟無窮

李宣

李宣金下支人首倡築上馬坊水塘以興水利又創建百龍橋高等小學校以育人材公舉宣當經理頗著勞績

趙獻捷

趙獻捷字月三邵甸前所村人天資穎異博聞強記壯年補府學增生從軍西征以功歷保訓導亂平歸里設帳作育人材從學日衆教化遍嵩尋

經先生之栽培而成名者不可勝計本區文士半出其門年八十二終惜著述無存

採訪

秦自新

秦自新字淑陞邵甸鳳邑村人也性敏慎本楊氏子名應新甫半歲父卒兄應春放蕩不務正業未數年家產散失往依岳家旋母卒年十三無所

依爲傭工後贅於素氏改名自新入學二年穎異過人情素氏無人照料以家務牽絆未遑攻讀動慎自持家業大興其兄落魄來依事之無怨色因不容於婦居兄寺中私以酒食養之終其年主持村中公務村中公款昔多豪紳把持侵蝕村政因以廢弛自新出而維持巨細清理以辦公益貪橫者概行斂迹村人發生爭執每備盛筵邀請鄉人排解延至數日不決重累其家或促興訟自新革其風爲之秉公解決且謝絕一切筵宴之酬故村人以公正稱之對於修理道路溝洫必親往監督私餉以酒食出工者樂奮其力村西一窄橋狀馬常失足河中出資修理村南村東有必經之路苦泥陷捐資改修石路往來稱便晚年值曾知州貪婪藉修城苛捐於民全縣舉貢生員數百均畏其勢不敢擾其鋒自新訴之府憲爲全縣人民請命卒以獲免曾知州以此獲罪故自新之名傳於全縣卒年六十八

採訪

楊遇河

楊遇河字負圖邵甸鳳邑村人恩誠父也賦性渾厚精明偉軀幹強膂力生平純謹儉寢以歷境忠直勤儉以起家慈惠公正以處世母氏楊早逝

伯叔父家因世變相繼殉難零丁孤苦復以村人楊繼貴被賊毆斃殃及池魚父應

揚以非罪陷縲紲其時遇河年十三日採薪奉親每覲面輒涕泣父既脫罪無恆產然以勤儉故漸有積蓄乃營宅每黎明隨父山中日出時扛材木歸旋出爲人工作室成以常觀摩澗墨遂盡得其技從茲農事有暇代人營造越數年家小康父逝且遭荒年爲辦理喪葬事仍至室如懸罄乃與其妻楊同力合作不數年家漸裕富杜亂之時與同夥數人被賊數十追逐有被賊刺傷而呼救者衆皆奔命不顧負圖獨執脫鋒之戈回馬叱咤捍禦賊衆不敢進使友得以生旋至周濟貧急不惜傾囊助之見償固多負義者不問也有以過於忠厚議之者負圖曰甯使人騙我勿使我騙人每爲人作室製器工程堅實器不措竄從徒數十人數十年待之如一日舉鄉飲衆賓范學正棠爲之通詳奉旨旌表給以昇平人瑞匾額准入祠鄉賢從祀命予入塾凡家事未嘗責以分任其子學成得力於此卒年六十有四至蓋棺時鄉人皆稱之曰善人也

李聯雲

李聯雲依順里老習扯人武舉同治八年髮匪踞貴城楊林一帶當時沿海各村男女奔海逃難避於聯雲院內者皆忍飢而坐聯雲視之不忍取

米數袋分給難民又將建屋之材木數百科給難民作燃料約七日餘時岑少保毓
實督兵進剿共克復各地轉驕下鄉安民經老習杜適見聯雲招集難民千餘在家
供給口糧又將被擄婦女贖還俾得團聚者十餘人因獎以急公好義匾額後聯雲
赴京應試至大江中同舟者同十三人皆武舉忽狂風大作覆舟幸免者僅船家及
聯雲一人而已人皆以爲施德之報云

蘇國卿

蘇國卿字維清武生蘇家村人性謹厚重實踐幼孤貧善事繼母家道漸
裕好作善舉對於修築道路補葺庵觀等事靡不竭力每年終以米錢接

濟貧乏無吝色

司以道

司以道字本立邵甸阿子管人拔貢司沂之父也性剛毅自幼端嚴謹飭
篤於孝友事父母必竭其力父喪哀毀逾恆時母老多病值咸同之亂本
鄉因迭遭蹂躪復此歲薦饑得米不易以道傭於昆明市米以供母饘粥母病危以
茹素三年禱於神病良愈後遂終身持戒律亂平撫兩兄遺女如己出居恆選先哲
格言爲家人族鄰講說戒飭浮華多爲感化精醫術延之者雖遠必至其貧困者更

關帥之生于浙清宣統己酉拔貢孫鴻範充國民革命軍第十路總指揮部經理處
少校科員均以爲公好義而負鄉里整人皆以家風未泯云採訪

陳其耀

陳其耀字熙堂楊林人性孝友敦篤天真爛漫無毫髮僞飾咸同間西匪
東竄以武生從戎勇敢異常爭先破壘屢立戰功歷保副將銜肅清後以

副將應鄉試中式第十六名武舉任開化守備旋升麗江都司然不事阿諛故難階
進嘗以讀書務農勸人諄諄不倦先是楊林老賈何有源泉經冬不涸惜源遠流細
不足資灌漑昔人常築土壩堵水以濟秧田君從岑襄勤公在軍多年適回籍乃偕
仲兄應久審度詳視深悉可以築閘儲水爲永久計會君任開化守備乃舉薪俸所
積數百金寄歸付任事者尅日興工嗣因經驗少致已成之堤埽漏傾圯公得信決
不追悔函慰在事者云凡事不經顛撲必不克經久我們得此一番挫折以後才可
萬世無敝也乃復罄其所有不足又求寅好朋儕攸助之再接再厲功以告成即今
之屢豐堤也迄今三十餘年西北一帶民田服其疇食其德者公創始之力也光緒
十六年致仕居家愈加築堤使之安固後有游勇竄亂調任續備營督帶卒於軍採訪

吳潤

吳潤字伯膏邵七甲高倉人有血性嫉惡如仇交友重然諾能赴人之急
普匪小洪之襲縣城也君得息飛詣阿子營密報三團和連長秀昭自當
鄉導夜襲於古城匪受創當張疤臉蹂躪地方時勒索阿子營各村巨款二千餘元
某營長不予諒恤反處罰人民以與匪勒索之數人民不支無可告訴而君乃毅然
出首鳴之省府竟將此款豁免乃因此而受刺激投河殉命鄉人哀之曾爲之立石
紀其事採訪

趙培

趙培字自修邵十甲沙營人也民國九年任保董頗機警幹練辦理楊林
糧秣甚資得力民十一年秋藍匪正堂受撫自邑川調駐富民宿營散旦
街趙君出而應辦糧秣藍匪無端尋隙將其虐打戕害拋其屍於菁中鄉人哀之爲
呈請撫恤採訪

李廷恩

李廷恩字錫侯邵甸腰站村人也清增生家貧父教嚴日耕夜讀入泮後
設帳於鄉暇時仍農作如故曾入縣教育研究會民元任阿子營小學校
長課餘書報不釋手任教十年始終如一因材善誘人多成材被舉爲縣教育會副

會長民十一年村人以其熱心教育敦請任大營街小學教員授教益勤遂積勞成疾年五十六而終著有金蘭雅和詩稿行世

採訪

鄒本魯

鄒本魯邵八甲羅家管人也因普匪小洪犯盜案本魯解之到縣請究李縣長和聲初到任誤聽刑吏夏芳廷之讒平常視普縱之不治反押本魯於監者兩月餘普匪既得勢尋仇報復遂將本魯戕害本魯次子浦常有報仇之志而無機可乘普匪憚之時普匪已官司令遂擄浦及其兄弟共三人而駢戮之

採訪

周祥

周祥字岐山武庠生軍功保千總性剛直果敢勇決不屈不撓喜辦地方公益事力任其難不辭勞怨爲人排難解紛有隱匿則面斥之難戚好弗顧也吾滇反正大軍援川討袁楊林富路街應辦芻秣君適奉檄董其役自忖以公正從公可告無愧乃有構蜚語者軍官誤信讒橫以暴厲折辱之公憤甚以此遺疾遂卒縣長李鳴盛具狀上聞事得白命以忠烈崇祀長子文欽早卒次文元嵩以釐金總辦又次文人滇東鎮守副使五文才連長沒於國事

魏國安

魏國安字治久世居會澤因經商嵩城遂家焉性孝友而耿介事親能以色養晨昏定省始終如一對於手足克敦友愛曾爲弟妹完娶出閣母卒

盡哀盡禮寢食俱廢教子有方撫長子澤民次第升學於師範畢業後又考入武校
由連長遞升營長常論澤民曰既爲軍人切忌妄殺無辜既改文職歷署廣通羅平
縣長均有政聲當澤民之在廣通任也君慮其無善政乃隻身前往訪查既而到縣
署諭之曰汝爲政甚得民心余心慰甚我願爾做官以安民爲本不願有不義之財
入吾門也一生爲人樂善好施鄰里之厄困求資者莫不量力籌助對於地方公益
事件罔不盡力爲之卒年六十有五鄉人至今猶時念之

嵩明縣歷代卓行表

朝代 姓名

清 朱象賢

楊林人僧生好正惡邪勸善不倦
尤留心陂塘等事鄉里人多賴之

戴文宣

楊林人世承隱德濟人危
急而口不言人多稱之

劉 鈺

邵甸人文生急公好義凡有益地方
親爲己事不避艱險鄉里至今德之

戴文耀

弟文宣行
同兄與

孫秉陽

邵甸人監生好義與劉鈞同

楊翊

本城人歲貢品行端方學問淹洽

張聯乙

日足里人廩生聰明穎異善事親執親喪繼弟三年博覽羣書九精堪輿等術

人物七

藝術傳

清

管

管濬字文明號正音廩生楊林人性恬雅曠達喜交遊篤嗜丹青於山水

花卉鵠毛草蟲靡不精嘗繪秋花倚石草間一蠲螻欲躍押之案頭倏一

雄雞瞥見奔就啄之紙破而蟲不動觀者忻然咸歎其絕技待遇親故情愛綦篤急

公好義倡率不遺餘力至省垣朋如爭迓之藏密室中終日以繪畫爲樂人得其尺

幅咸珍之云採訪

管燮元

管燮元字邵平楊林北街人廩生博學能文善畫蘭梅尤邃於醫爲人治

病往往神明古方投藥數味而痼疾全消性冲淡雅好音律家有園亭之

勝常聚同好絃歌嘯咏於其中與其弟慶元相友善事繼母至孝子世卿姪世璫能世其業

趙伸

趙伸工製飛機炸彈手榴彈黃色藥等

劉開

劉開字子毅樂邦人賜谷先生之季子也清廩生精測繪算學代數幾何圖畫等演繹界務交涉奉委前往騰越會同英國測繪員測量騰永北界地圖及經緯綫又委勘滇川鐵道路綫測量本屬嘉麗澤又精製粉筆

計天福

計天福字申之邵甸南營村人也性穎悟有遠志畢業於邵甸第一高小學校入縣立師範傳習所旋復入省立一部師範學校既辭出專習炭精畫及照像術甚精設館營業游學上海卒於滬年僅二十惜哉

李如膏

李如膏字雨春嵩陽鎮人卒業於雲南省立師範學校素潛心於天文地質之學而於天文尤有心得嘗自製宇宙儀積十餘年之經驗於測量各行星會合之日期與位置及各季太陽出入之時刻皆有準則觀氣象而占晴雨亦多證驗乃本科學方法以求之而非古昔之占卜也

人物八

遺民傳

明

王璽

王璽連登村人明末崇禎時官太子小保兼攝將軍事善書法嘗鈐小印曰紫電青霜今所存者尙有匾額三方懸於鳳谿寺者二曰佛土干城曰萬法總持懸於石麟庵者一曰一切無爲氣象雄渾迥異凡俗富永曆帝奔緬時吳三桂鎮雲南屢以禮徵聘均未出仕所書匾額不書朝代年月僅書戊戌之秋考戊戌爲清順治十五年而不書順治年號者蓋不忘明之微意也

人物九

隱逸傳

明

蘭茂

蘭茂字廷秀號止菴楊林千戶所原籍河南洛陽人性穎悟過目成誦年十六通經史於濂洛關閩之學煥如也旁及醫道堪輿丹青無不通曉賦